



Ulloq: 26. juni 2023
Allaffik: Nordatlantkontoret
Sul.suliari: Maria Thostrup Jakobsen
Suliap normua: 2022-490-0349
Takussutissiaq: 2871560

**Kalaallit Nunaanni eqqartuussisarnermik inatsisip
allanngortinneqarnera pillugu inatsisissatut siunnersuummut
tusarniaanermut akissutit**

(Inatsisit unioqqutinneqarneranni pinerluttoqarsimaneranik
paasiniaanermut ilaatillugu politiit inunnik sunniiniartartunik atuinerat
il.il.)

pillugit

**TUSARNIAANERMUT NALUNAARSUUT
OQAASERTALERSUGAQ**

I. Tusarniaaneq

Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuummut missingiut (Inatsisit unioqqutinneqarneranni pinerluttoqarsimaneranik paasiniaanermut ilaatillugu politiit inunnik sunniiniartartunik atuinerat) piffissami ulloq 16. maj 2023-imiit ulloq 13. juni 2023-imut oqartussaasunut suleqatigiiffinnut il.il. tulliuttunut tusarniutigineqarsimavoq:

Advokatrådet, Advokatsamfundet, Amnesty International, Avannaata Kommunia, Danske Advokater, Dansk IT, Datatilsynet, Den Danske Dommerforening, Det Kriminalpræventive Råd, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq, Dommerfuldmægtigforeningen, Domstolsstyrelsen, Kalaallit Nunaanni illersuisut peqatigiiffiat, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Foreningen af Statsadvokater, Fængselsforbundet, Grønlandske Advokater, Grønlands

Landsret, Grønlands Politiforening, Inuit pisinnaatitaaffii pillugit Siunnersuisoqatigiit, Institut for Menneskerettigheder, Justitia, Kommune Qeqertalik, Kommuneqarfik Sermersooq, Kommune Kujalleq, Sumiiffinni eqqartuussisut peqatigiiffiat, Kriminalforsorgsforeningen, Kriminalpolitisk Forening (KRIM), Landsforeningen af Forsvarsadvokater, Nunatta Illersuisuunera, Nunatsinni Advokatit, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet i Danmark, Qeqqata Kommunian, Nunatsinni Eqqartuussivik, Retspolitisk Forening, Rigsadvokaten, Rigspolitiet, Rådet for Digital Sikkerhed, Vestre Landsret og Østre Landsret.

Inatsiseqarnermut ministereqarfik tulliuttunit tusarniaanermut akissutisivoq:

Den Danske Dommerforening, Det Kriminalpræventive Råd, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq, Domstolsstyrelsen, Politiforbundet, Retspolitisk Forening, Rigsadvokaten, Vestre aamma Østre Landsret.

Tusarniaanermut akissutini tiguneqartuni immikkoortut pingaarnerit ataani oqaluttuareqqinneqarput.

Inatsiseqarnermut ministereqarfiup tusarniaanermut akissutitut oqaaseqaatai *uingasumik* allanneqarput.

II. Tusarniaanermut akissutit

1. Nalinginnaasumik

Vestre Landsret-ip Østre Landsret-illu inatsimmut missingiut oqaaseqarfigissallugu kissaatiginnigilaat.

Den Danske Dommerforening, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq, Domstolsstyrelsen, Politiforbundet aamma Rigsadvokaten missingiummut oqaaseqaateqanngillat.

Kalaallit Nunaanni inatsisiliorneq pillugu ingerlaavartumik nutarterisoqarnissaanik pisariaqartitsisoqarnera **Det Kriminalpræventive Råd-ip** akuersaarpa. Inunnik sunniiniartartunik atuinermut tunngasumik,

siunnersuisoqatigiit eqqartuussisarnermik inatsisip allanngortinneqarnissaa pillugu inatsisissatut siunnersuummut (Internettikkut pinerluttuliornerit pillugit inatsisunik unioqqutitsisoqarsimaneranik paasiniaanermi politiit periarfissaasa patajaallisaavigineqarnerat), tusarniaanermut akissuteqaatertik 2019-imi 18. oktober tunniunneqarsimasoq innersuussutigivaat. Illuatungaani pinerluttuliornerup akiorneqarnissaanut eqqarsaatigisassat illuatungaani inatsisitigut isumannaatsuunissamut eqqarsaatiginninnerup pisariaqartinneqartumik naligiissinneqarnissaa pingaaruteqarmat qulakkiissallugu Det Kriminalpræventive Råd-ip tusarniaanermut akissummi 18. oktober 2019-imeersumi maluginiarpa, taamaammallu siunnersuisoqatigiit annertuumik ammasumik periuseqarnissaq inassutigaat, tamannalu aaqqissuussinerup ingerlaavartumik nalilersorneqartarneratigut pisinnaasoq oqaatigalugu.

Inatsisissatut siunnersuummi aaqqissuussinissatut siunnersuutigineqartumi Kalaallit Nunaanni politiit inatsisunik unioqqutitsinerit, matumani ikiaroorartut pillugit pinerluttuliornerit pillugit, aaqqissugaasumik pinerluttuliornerit aamma internettikkut pinerluttuliornerit ilanngullugit, inunnik sunniiniartartunik atuinikkut pinerluttoqarsimaneranik paasiniaanerisa patajaallisaavigineqarnissaat siunertaamat, Inatsiseqarnermut ministereqarfiup maluginiaqquaa. Inatsisitigut isumannaatsuunissamut eqqarsaatigisassat pingaarutillit isumagineqarnissaat siunertaralugu, sunniiniarnissap aallartinnissaata atuuffissaanut atatillugu killilersuinerit piviusut arlallit ilanngunneqarsimammata, tassunga uiggiullugu maluginiarneqassaaq. Taamaalilluni ilaatigut inatsimmik unioqqutitsisoqalernera imaluunniit misiliisoqalernera tungavissaqartumik pasitsaanneqarpat, aamma pinerluttoqarsimaneranik paasiniaanermut tamanna pingaarutilimmik kinguneqassasoq isumaqartoqarpat, sunniiniarneq taamaallaat pisinnaasoq eqqartuussisarnermik inatsimmi § 349 a, imm. 1-itut siunnersuutigineqartup malitsigaa. Aalajangersakkami imm. 2 malillugu politiit sunniiniarneq pillugu malittarisassanik atuinerisa inatsimmik unioqqutitsinerup annertussusaata ingasassusaataluunniit annertusineqarnera aammattaaq kingunerissangilaa.

Inatsiseqarnermut ministereqarfiup isumaa malillugu illuatungaani pinerluttuliornerit akiorniarneqarnerisa illuatungaani inatsisitigut isumannaatsuunissap politiillu innarligassaanginnerisa akornanni oqimaaqatigiinneq eqqortoq inatsisissatut siunnersuutip taamaalilluni eqqorpaa. Tamanna tungavigalugu, aamma inatsisissatut siunnersuutip

inatsisitigut isumannaatsuunissamut eqqarsaatigisassat pingaarutillit isumagimmagit, aqqissuussinerup nalilersorneqarnissaata suliarineqarnissaa tunngavissaqanngitsoq, Inatsiseqarnermut ministereqarfik isumaqarpoq.

Inatsisissatut siunnersuummi inunnik sunniiniartartunik atuinissaq pillugu aqqissuussinerup allaaserineqartup eqqunneqarnissaanut naleqqiullugu **Retspolitisk Forening** isorinnippoq. Qallunaat eqqartuussisarnerisa assigisaanik pinerluttuliorsimanissamik piunasaqaateqartoqassasoq, taassumalu piviusumik pillaatissaatitaasut killingannik assersuutigalugu ukiunik 6-ilinnik iluseqarnissaa pisariaqartoq, Retspolitisk Forening-ip maluginiarpa. Inuit sunniiniartartut tamatigut kinaassutsimik isertuunneqarnissaat angusarmassuk, Retspolitisk Forening-ip akerleralugu aammattaaq oqaatigaa. Inuit sunniiniartartut sassanngisaannassappata, unnerluunneqartup pisinnaatitaaffiunut sakkortuumik eqqasuuteqartoqarnissaanik pissutissaqartoq, matumani taassuma unnerluussisussaataasut naligalugit ilisimannittunik il.il. killisiuisinnaanera ilanngullugu. Sunniiniarnerup eqqunneqarnera pingaarnertut mianersorluni suliarineqassasoq, aamma tamanna pillugu, periarfissaqalerniariartoq eqqartuussivimmit aalajangiisoqarnissaanik piunasaqaateqartoqassasoq, taamaalilluni politiit tamakkuninnga atuinerisa eqqartuussivinnit taamatut nakkutigineqarnissaat piniassammat, aammattaaq Retspolitisk Forening-ip maluginiarpa.

Soorlu inatsisissatut siunnersuummi oqaaseqaatini nalinginnaasuni imm. 2.2.2.3-mi aamma inatsisissatut siunnersuutip § 349 a, imm. 1, nr. 3-anut oqaaseqaatini takuneqarsinnaasoq, immikkut ittumik ingasattumik inatsimmik unioqqutitsisoqarsimanera pineqassasoq, politiit sunniiniarsinnaanerannut piunasaqaataavoq. Kalaallit eqqartuussisarnerat malillugu, nalinginnaasumik malittarisassat kingunerisaannik inatsimmik unioqqutitsineq, tassani piviusumik piunasaqaatitaqanngitsumik inissiisarfimmi sivilisuumik sivilisussusilimmik inissinneqarnissap eqqartuussutigineqarnissaa naatsorsuutigineqartariaqarluni “immikkut ittumik ingasassusilimmik” inatsimmik unioqqutitsinertut paasineqassaaq.

Iliusereriikkanut kingunerititat suussusaat (assersuutigalugu akiliisitsissutit, inissiisarfimmi inissiinerit il.il.) imaluunniit pillaatissaatitaasut killingi inatsisinik unioqqutitsinernut ataasiakkaanut atassuserneqannginneri, kalaallit pinerluttulerinermi inatsisaata qallunaat

pillaasarnermik inatsisaatalu assigiinngissutigigaat, Inatsisilerinermut ministereqarfiup maluginiarpaat. Kalaallit eqqartuussisarnerat annerusumik pineqaatissiisarnermik systemimik tunngaveqarpoq.

Ilisimannittut nassuiaanerisa, suliami saqqummiunneqartut, imaannik unnerluussaasup pissarsisinnaaneranut, imaluunniit illersuisup ilisimannittup nassuiaanerani isiginnaartuunissamut pisinnaatitaaffianut kiisalu ilisimannittumut apeqquteqarnissaanut, malittarisassatut siunnersuutigineqartut arlaatigulluunniit killiliinngimmata, inatsisissatut siunnersuummi oqaaseqaatini nalinginnaasuni imm. 2.2.8.1-imi takuneqarsinnaavoq. Aammattaaq politiini tjestemandip imaluunniit politiini sulisup aamma taaguutaa, unnerluussaasup taassumattut ilisimariigaa, unnerluunneqartumut paasisutissiissutigineqassaaq.

Inuup sunniiniartartup isumannaatsuunissaanut aamma politiit pinerluttoqarsimaneranik paasiniaanerannut eqqarsaatigisassat illuatungaani unnerluussap taassumalu illersuisuata pisinnaatitaaffiisa akornanni eqqarsaatigisassat oqimaaqatigiissinneqarnerattut malittarisassatut siunnersuutigineqartut ersersitsiut, Inatsiseqarnermut ministereqarfik isumaqarpoq.

Politiit nalinginnaasumik malittarisassat malillugit eqqartuussiviup aalajangernera, tunngavilersorneqartussaasoq, malillugu taamaallaat sunniiniarnissamik aallaartitsisinnaanerat siunnersuutigineqartoq, inatsisissatut siunnersuummi nalinginnaasumik oqaaseqaatini imm. 2.2.7-imi takuneqarsinnaavoq. Politiit sukkasuumik iliuuseqarnissamik pisariaqartitsisinnaanerat pissutigalugu, periculum in mora pillugu malittarisassaq siunnersuutigineqarpoq, taassumalu kingorna eqqartuussiviup aalajangernissaata utaqqineqarnissaa pissutigalugu siunertarineqartoq maangaannartinneqassappat, eqqartuussivimmit aalajangeeqqartoqartinnagu sunniiniarneq aallartinneqarsinnaavoq. Taamaattoqarpat politiit iliuutsip aallartinneqarnerata kingorna piaarnerpaamik aamma nalunaaquttap akunneri 24-it qaangiutsinnagit, apeqqut eqqartuussivimmut saqqummiutissavaat.

Ilaatigut suliniutip aallartinneqarnerani piumasagaatit naammassineqartussaanerit imaluunniit naammassineqarsimanerat, ilaatigullu sunniiniarnermik akuerisaasumik akuerisaanngitsumillu atuinermut killiliussap (qaffasinnerpaamik killiliussatut taaneqartartoq imaluunniit aalajangersimasumik qisuariatitsiniarnermik

*inerteqquteqarnej) qaangerneqarsimansoq imaluunniit
qaangerneqartussaansoq eqqartuussivimmit nakkutilliinerup
nalilissallugu siunertarigaa, Inatsiseqarnermut ministereqarfiup
maluginiarpaa.*

III. Inatsisissatut siunnersuut

Inatsisissatut siunnersuummut, tamanut tusarniutigineqartumut naleqqiullugu, inatsisissatut siunnersuut nassiunneqartoq imaqarnermigut allannguutininik imaqaanngilaq, kisianni oqaatsitigut aamma inatsisilerinikkut pitsaassutsinik isumannaarinninnertut pissusilinnik allannguisoqarpoq.